



Hvmanae Salvts Monvmenta

Arias Montano, Benito

Antverpiae, [1571?]

In tabulam Iesu in templo reperti. Ode Tricolos Tetrastrophos XLII.

[urn:nbn:de:hbz:466:1-68924](#)

In tabulam Iesu in templo reperti.

ODE TRICOLOS TETRASTROPHOS XLII.

D V M virgo casti sollicitis viri
Adiuta curis, querere filium
Desideratum condolenti
Voce rogans loca cuncta lustrat:

Fulgente solis lumine tertij,
Templi in reductis aedibus inuenit
Inter senum eruditiorum
Non tacitum puerum cathedras.

Confusa circum turba stupentium,
Responsa fixis combibit auribus,
Mirata maturum loquentis
Consilium ingeniumq; princeps.

Quæ tanta vis, quid pectore numinis
Cælestis, aiunt, in tenero latet?
Quis verba denoluens diserta
Spiritus ore mouet tenello?

Miranda certè audiuiimus omnia,
Quondam neq; ipsis nota Prioribus.
An ne? hunc putemus hæc magistro
Ex homine aut didicisse libris?


Atqui & profundis consiliis Dei
Præsens videtur nunc animo frui,
Inde & relatos explicare
Quos rogat insinuatq; sensus.

Aut illa cælo, non nimium diu est,
Mens venit, artus induit & nonos,
Vocesq; promens efficaces
Se puerumq;, Deumq; præbet.

G R A -

GRATIAR. THESAVRVS.

*Diuinæ studium Sophiae pulcherrima vītæ
Esse, puer, nobis munera, sancte, probas.*



DIVINITATI EMICANT. S.

In